



NORGES VASSDRAGS- OG ENERGIDIREKTORAT
(NVE)
Postboks 5091 Majorstua
0301 OSLO

Saksbehandlar, innvalstelefon
Eyvin Søltnæs, 5764 3135

Fråsegn til detaljplan for rehabilitering av dam Valldalen i Ullensvang

Planlagt hovudrigg ligg nær ein hekkelokalitet for ein sårbar fugleart, og er ikkje godt skjerma av topografien. Konsekvensane av aktivitet på riggen i hekketida, er ikkje vurdert i detaljplanen. Vi ber derfor om at tiltakshavar undersøkjer moglegheitene for å ha ei ny lokalisering av riggområde som reduserer negativ påverknad på naturmangfaldet. Dersom det likevel viser seg at det ikkje er alternative riggområde som eignar seg for prosjektet, må aktiviteten på riggområdet tilpassast den sårbare hekketida.

Vi viser til oversende høyringsdokument. Vi beklagar at vi, på grunn av stort arbeidspress for tida, er litt over svarfristen med tilbakemeldinga vår.

Statsforvaltaren vil presisere kva omsyn som må takast til ein sårbar fugleart i influensområdet for rehabiliteringsarbeidet

Våre merknader

Det er omtalt i detaljplanen at utbyggar har vore i dialog med oss om ein sårbar fugleart. På det tidspunktet var det planlagt oppstart av bore- og sprengingsarbeid i juli, som er utanom den mest sårbare perioden for arten. På grunn av magasinrestriksjonar og HMS, er det no planlagt å starte anleggsarbeida etter påske, og med boring og sprenging frå starten av mai.

Aktuell reirlokalisering ligg innafor tilrådd sikringssone for arten, men som det er omtalt, vil avstand kombinert med topografi tilseie at arbeidet ved tunnelmunninga truleg ikkje er kritisk for hekkinga. Vi reknar ikkje med at dette blir endra ved at oppstarttidspunktet for sprenginga blir framskunda til starten av mai.

Planlagt hovudrigg (R3A) ligg derimot nærare lokaliteten, og er ikkje godt skjerma av topografien. Her er det ikkje planlagt sprenging, men støyande anleggsaktivitet så nær hekkeområde kan vere svært uheldig, og må derfor berre gjennomførast utanom hekkesesongen, som er perioden februar til juli.

Dersom aktivitet på riggen i hekketida vil føre til meir støy enn det som har vore vanleg med dagens funksjon som parkeringsplass, er konsekvensane av dette for hekkelokaliteten ikkje vurdert i detaljplanen, jf. naturmangfaldlova § 8.



Vi ber derfor om at tiltakshavar undersøker moglegheitene for å ha ei ny lokalisering av riggområde som reduserer negativ påverknad på naturmangfaldet, jf. naturmangfaldlova § 12.

Dersom det likevel viser seg at det ikkje er alternative riggområde som eignar seg for prosjektet, må aktiviteten på riggområdet tilpassast den sårbare hekketida.

Ta gjerne kontakt for ytterlegare vurdering/drøfting omkring dette.

Vi legg elles til grunn at villrein blir ivareteke etter vanleg praksis, og i tråd med innspelet frå villreinnemnda.

Vi konstaterer at tiltakshavar har søknad til Statsforvaltaren om utsleppsløyve for tunneldrifta.

Med helsing

Magnus Johan Steinsvåg
seniorrådgjevar

Eyvin Søltnæs
seniorrådgjevar

Dokumentet er elektronisk godkjent

Kopi til:

Vestland fylkeskommune
Ullensvang kommune
Villreinnemnda for Hardangerviddaområdet

Postboks 7900	5020	BERGEN
Opheimsgt. 31	5750	ODDA